



E aña aki atrobe **Tin hopi interes pa Festival di Dande**



TIN hopi interes p'e di 46 Festival di Dande dia 28 di december 2019. E aña aki tin 2 cambio den e festival, asina Jessica Croes, Presidente di Fundacion Dande a duna di conoce.

Despues di algun aña e Festival di Dande ta bek den Club Caiquetio na Paradera. E Festival ta cuminsa pa 7or di anochi cu un total di 14 agrupacion di Dande, un total di 38 Dande, 13 damas y 25 cabayero, 9 tipico, 11 propio composicion.

Lo tin diferente premio riba e anochi aki, e premio di Rey y Reina di Dande ta un suma di Afl. 500,-. Tambe lo tin tentnan disponibel cu cuminda, artesanía, y hopi cos dushi na benta, si ta interesa pa tent por tuma contacto cu nos na [733-7676](tel:733-7676) / [585-9228](tel:585-9228).

Entrada ta completamente gratis, asina un y tur por gosa di nos Cultura di Dande;

1. Grupo Herencia; 2. Tradicion Musical; 3. Tipico Ambiente; 4. Aiwalos; 5. Nos Folclore; 6. Formacion Twins; 7. Grupo di Amigo; 8. Tipico Palisía; 9. Robert Maduro y su Alma Folklorico; 10. Sabor Crioyo; 11. Zonido di Antaño; 12. Grupo Stimami; 13. Tipico Ayo y 14. Grupo la Bomba.

Finalmente Jessica Croes na nomber di Fundacion Cultural Festivalnan Folklorico ta invita henter e pueblo di Aruba pa bin y disfruta di otro gran Festival di Dande 2019.